

(Nunalerinermut, Imminut Pilersornermut, Nukissiutitut Avatangiisinullu Naalakkersuisoq)

Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnissaat pillugu inatsisip allanngortinneqarneranik inatsisissatut siunnersuummik Namminersorlutik Oqartussat ilaliinissaat pillugu Inatsisartut aalajangiiffigisassaattut siunnersuut.

Akissuteqaat

(Nunalerinermut, Imminut Pilersornermut, Nukissiutitut Avatangiisinullu Naalakkersuisoq)

Aappassaanneerreqarnera

Avatangiisinut Eqqissimatitsinermullu Ataatsimiititaliap siunnersuut sukkaasuumik suliarimmagu isumaliutissiisummullu Naalakkersuisut qutsavigaat.

Naalakkersuisut maluginiarpaat, heavy fuel oil-imik (HFO) atuinissap inerteqqutigineqarnerata atuutinneqalernerani inuussutissarsiortunut aningaasaqarnikkut sunniutaasussat ukkatarineqarnissaat Ataatsimiititaliap kissaatigigaa. Inerteqquteqarnerup atuutinneqalerneranut atatillugu Naalakkersuisut aningaasaqarnikkut sunniutaasussat eqqumaffiginiarpaat aammalu attuumassuteqartunik oqaloqateqarnissaq qulakkiissallugu.

Naalakkersuisut maluginiarpaat kalaallisut taaguutaani kukkuneqartoq, tamannalu ajuusaarutigaat.

Avatangiisinut Eqqissimatitsinermullu Ataatsimiititaliap kalaallisoortaanut allannguutissatut siunnersuutaa akuerineqassasoq Naalakkersuisut inassutigaat, taamaalilluni taanna imaalissalluni:

“Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnissaat pillugu inatsisip allanngortinneqarneranik inatsisissatut siunnersuummik Namminersorlutik Oqartussat ilaliinissaat pillugu Inatsisartut aalajangiiffigisassaattut siunnersuut”

Taamatut oqaaseqarlunga siunnersuut Inatsisartuni suliaannngortippara.